



何大復先生集卷之十八

五言律詩八十二首

〇〇 登堅山寺絕頂真武廟二首

古廟堅山上丹青碧蘚封遊人不到處一老自鳴鐘
絕壁飛泉掛危峰曲逕通岩堯一以望頓覺世塵空

〇〇二

同來息心石不避捨身臺洞裏烟雲出窻中日月開
孤僧絕頂住遊客半空廻不盡登高興無人送酒來

〇〇 懷西山

不到西峰久那堪病後情雲思丹壑卧花夢碧巖行



城郭邀來往朝廷問姓名人間自多事嘆息此浮生
○○自山家歸寺

暝色延歸路雲中見上方萬山懸馬首一徑入羊腸
暮雨橫沙界陰霞拂院墻更深磬管發身世樂何鄉
近寺

梵宇頻經處林深入磬聲懸崖攀葛上曲澗逸松行
花鳥還春日樓臺即化城亦知身是妄從此學無生

過書院二首

書院新開日文旌暫過時衣冠成小試絲竹更相隨
凍柳依高堞霜荷傍曲池夜來占寶氣應向斗牛知

二

駐馬高城畔酣歌送落梅風霜十月盡杯酒衆賓回
柳色含春動笳聲向晚催故園無限意行節為遲迴

登樓

孟夏遊茲地登樓慰所期樹陰深坐客花晚更題詩
滿院紅榴發當簷白果垂風情真可住俗物苦相追

過杜家庄

山老頻邀客茅茨隔暮烟聞雞度絕嶠立馬看飛泉
種柳非無地栽麻亦有田謀生今已定不用卜居篇
獨坐

獨坐孤燈靜憂心倍寂寥橫河當戶轉落月去城遙
淚向何時盡魂從暗裏銷此身雖復在甘與歲時飄
○○ 獨立

鼓絕孤城掩溪傍春事殘岸霞晴映樹汀雨暮生寒
風外看花盡烟中望柳繁靜觀時物變獨立思千端
袁秀才書院芍藥

亦是傾城色開仍傍杏壇日遲深院落風轉曲闌干
不恨先桃李皆言勝牡丹春華惟在此遊客好相看
李秀才圃中牡丹

此地無車馬名花亦自開何須照羅綺但遣絕塵埃
近水紅雲綻憑闌白日迴姚黃與魏紫空向洛陽栽
李秀才書屋冬菊花

萬樹皆零落亭亭獨自我根深飽霜雪花好爛池臺
短鬢頰相映孤懷為爾來凡花與衆草歲暮不同開
趙生書堂竹

愛爾書堂竹青青耐久看到門惟一徑入院迥千竿
雨映爐烟細霜生簾色寒晚來幽獨興題句刻琅玕
梅

野水無人地寒梅獨自開花疎間翠篠樹古積蒼苔
嶺雪春潛至林風香暗來一枝猶可折橫笛暮休哀

懷賈長教壇上杏花

山城疎雨過綠草暗庭陰坐愛三春樹懷君雙杏林
日長鳴鳥至風靜落花深悵望高壇上何由共爾吟

櫻桃

滿郡櫻桃熟筠籠處處傳千枝垂更密萬顆落仍圓
細寫愁難破嘗新淚泫然金盤賜朝士猶憶拜恩年

芍藥

芍藥春風晚開遲莫自嗟城中雖有樹此外更無花
倚席低行月翻堦闌落霞佳人對瑤瑟一為惜年華

雙栢

雙栢種何歲蒼然盤據深蛟龍猶有甲鸛鶴爾何心
月過陰移壁風生響度岑萬年烟霧裏長得護禪林

雪

莽莽黃雲起淒淒素雪浮堂深偏近燭院迥不依樓
喜見漫天舞愁看向日流更將三白兆一慰老農憂

聞雷

中宵岩電發二月始鳴雷落地殷仍起盤空劃欲迴
蛟龍入浦激風雨過城隈獨坐明燈裏空堂萬慮催

曉起見雪

曙色空窻裏鳴禽更好音幽棲忘盥櫛偃卧問晴陰



蘇軾

卷幔山雲起開門野雪深不愁泥濘路騎馬度西岑
○ ○ 雨

疾雨衝城下春寒入暮催樹明捎落電山暗轉奔雷
正月花狂放三江馬亂回國西兵馬急愁問羽書來

密雨

密雨過清朝空山對寂寥夕陰雷電蟄曠野虎狼驕
鷲立清沙近鷗行白水遙眼前常見汝俗物謾相招

漁樵

白石樵人路滄江漁父潯桃花夾兩岸松色映孤岑
坐傍鼃鼃窟行穿虎豹林古今問答意誰識邵公心

淮陰俠

大將登臺貴三軍拔幟豪力能分楚漢功本冠蕭曹
故壘風雲偃空山虎豹號獨憐飛鳥嘆不及范生高

吹笙

寂寂花宮月何人吹玉笙響從銀漢落清過彩雲行
夜靜疑天籟更深入梵聲幽心與禪意凄切轉關情

廢屋

廢屋空山裏風沙不見人壞墻惟有徑獨樹更無鄰
寇盜三關逼徵求萬國頻江湖暮搖落回首一沾巾

燕子

燕子今春到茅堂水郭西本無華屋志難向玉樓棲
雨細鳴相並風輕落故低淘河莫深訝只是為啣泥

〇〇 病馬六首

紫公有名馬騎出自京華峻耳批雙竹竒毛散五花
老能知道路病已困泥沙貴賤誠如此長吟為爾嗟

二

此馬非凡馬曾酣百戰場聳身思剪拂馳志在騰驤
側立青雲迥悲鳴白日長君恩如不棄終擬報田方

三

從來西域種會是渥洼生不惜千金買寧辭萬里行

天寒思故道歲晚滯空城牽向關階下長鳴意不平

四

老向關山裏龍媒世不知思深思欲斷力盡淚空垂
首藉辭天苑塵沙別月氏東郊望春草生意在何時

五

惜爾西來遠愁看更向東毛寒常帶雪骨瘦不禁風
惆悵臺邊士淒涼塞上翁徒聞穆天子八駿歷層空

六

弱踏才難盡踟躕意若何沙寒首藉短路晚蒺藜多
不復馳金市猶思歎玉河側身千里外常恐歲蹉跎

途中寄別餞送諸生

西路臨秋寺登臺憶送行風塵別汝輦江海本吾情
塞柳凝寒望關雲入暮征長安日不遠相見待諸生

送劉大理守衢州府

以下京集

西寺平反久南邦出守初高門廷尉宅五馬使君車
海岫晴浮越河關暮泊徐蒼生望杜母行駕莫躊躇

送馮大和

久客依親友深秋念此行亦知彈劍缺不是愛冠纓
木落燕天鴈花催楚岸鶯故山松柏樹何限女蘿情

送石令之廣濟

萬古黃州水孤城赤壁山仙鳧從此去賓鴈幾時還
柳澤春陰細琴堂晝日閑知君忠孝志遺愛楚人間

送張子行

汝陽張季子冬暮獨南行此去棲淮曲何時入漢京
龍劍雄雌別鯤池羽翼生試看古名士多自少年成

元夜孫世其席上餞勤甫

京國上元夜相逢魂黯然張燈非舊俗滿月是離筵
楚塞于戈外春城鼓角邊同遊重分手海內各風烟

送謝邦用之湖南

同作燕京客君為楚上行雲霄無舊侶江漢有深情

鼓吹春天樹樓船水國城遙傳持憲使元是漢廷評

送呂子

京洛三年客雲霄萬里違上書俱不報解珮獨先歸
北極臨燕甸南山繞漢畿相將未可料岐路斷蓬飛

送顧汝成赴浙江叅議

水部名元重藩叅位不輕十年垂紫綬萬里為蒼生
舟楫江邊驛旌旗海上城風塵尚未息慷慨望君行

李南陽宅餞子容

封王金冊節漢使玉堂英禮樂逢今日山川壯此行
渡江春草歇臨海夏雲生賓客南陽宅遙遙萬里情

送高穎之給事使楚道過揚州

諫垣初北上奉使且東還冠冕留仙宴江山慰客顏
節停淮海曲槎到斗牛間別後金門侶應懷玉殿班

餞子容

客館西垣靜開尊為汝歌檻花深晚坐城樹喜頻過
綵鷁春湖色驪駒白玉珂還鄉君信樂予柰別愁何

送鄒子之浙中訪迎張子

此去尋張子東行指宋畿秋城悵獨往春棹好同歸
雨外吳帆重江中越岫微平生壯遊興送汝益翻飛

送熊御史尚弼謝病還江西

晨車發帝里秋掉返江鄉草奏孤臣淚懷歸久客
腸海鷗思避俗湖鴈喜隨陽攬轡平生志還山未可
忘

送蕭升之任登州府學

廣文騎馬去東郡有花開日對蓬萊觀春登海上臺
人看鳴鳳下客擬釣鰲來莫謂儒官冷絃歌擁俊才

送王有鄰之趙州

大郡須才美君才美更多雙幡朱折羽五馬玉鳴珂
橋市連燈火城亭入芰荷兒童迎太守齊唱趙州歌

真空寺送人不及二首

尋僧憇古寺候客掩松門碧水城隅路青山塞口村
迴舟非盡興駐馬獨傷魂目送寒天鳥孤飛日易昏

二

古路城中斷荒原寺半開碧山從此去芳草為誰來
野送空臨水燕歌獨上臺林風暮吹急歸興飄餘哀

汝立席上送世其二首

故國思先往兵曹喜暫過江雲同楚望邊月自燕歌
市夜盤飧易城春鼓吹多一盃今對汝他日異關河

二

汝去來何日令子轉念家興同張季子愁異賈長沙

河塞行無雪江鄉到已花洞庭風浪濶漂泊問龍蛇
送以行徃平山省外父母次韻

歲暮忽為別亦知非遠遊彩衣思孟里鳴玉向秦樓
岸雪晴含照林楓尚帶秋如憐早春色絲鞵返皇
州

送劉子遊西山寺

我憶湖西寺春山爾獨行乍暄饒柳意空谷自鶯聲
人減同遊伴花含徃歲情片雲回首暮天遣別愁生
送王生還嵩盟兼訊趙叔

此向嵩州去遙看溟海窮行人三月盡獨馬萬山中

雪嶺衙西日春沙起北風傳書問故舊天地一冥鴻

送施聘之御史南還

翮翼青冥去高秋隻隼孤許身酌日月垂淚向江湖
事業臺中草生涯水上蒲他年問書札滄海一潛夫

送王判之永州

日出楚帆高秋行不覺勞衣裳南嶽霧舟楫九江濤
謝傳非忘屐王祥已佩刀雲霄壯萬里風便一鴻毛

送李令赴宜城

名邑今為宰東行更屬秋青天見海岱明月下河洲
柳傍彈琴坐花隨放鳥遊蒼生未蘇息須拜富民侯

○ 送韓仲子並訊其弟季子二首

昔別留談數今行出餞遲萬人皆涕淚四海一瘡痍
花映投簪日風流攬轡時西雲暮不斷遙起漢關思

二

令弟先君往伊予實嘆嗟竄身還故里避世入山家
斜日秦城柳繁烟渭曲花豈知燕地客騎馬日風沙

送兄二首

兩兄憐小弟千里會長安曉向蘆溝別宵追松寺懽
風回鴻鴈急雪度鵲鴿寒暫聚遙分散臨歧忍淚看

二

風蓬皆萬里骨肉我三人岐路緣何事他鄉愧此身
柳含燕甸色花隔楚園春佇望行車遠迢迢起暮塵

送曾建昌取道還瀘州

之官懷印綬過里訊松筠峽纜牽瀘水天梯截少岷
雲山蟠越嶲錦樹雜冬春日極西南日高歌動我神

送郭進士告歸大梁

病卧歸夷梁瞻雲佇太行金門謝通籍漢署憶含香
沙柳繁臺閣春花宋苑墻古園風竹動蕭灑讀書堂

送沙河方令

野曠孤城出山高上黨分春沙平落日古樹密屯雲

桃李今年種絃歌此地聞未須愁簿領應不廢詩文
送賈郡博之階州

十載一儒官西行路復難羗夷應俎豆邊徼有衣冠
隴坂盤雲上秦城向斗看好音懷萬里早晚報長安
送汪二司業還南京二首

帝宅龍盤內儒林鳳覽中此來名益重相送意無窮
畿甸江山抱宮墻日月通仙舟上南斗攀望彩雲空

二

溟漲開鯨力雲霄列鴈行中朝貴昆弟時論有輝光
柳別金門色花携玉殿香佇聆前席問獻納在明堂

送楊子澹下第還廣東

憐君不得意春盡獨還家路入薜蘿草亭深枳殼花
客舟江上遠鄉樹嶺南斜盛世多遭際寧容問釣車
別王秉衡

逸氣如孤鷲長凌萬里雲賈生能抗疏司馬善為文
歲月交心舊山川別思紛城南相送罷消息幾時聞
送楊驛丞

聞說丹河地孤城海上開鹵烟出市井潮影動樓臺
漢使傳宣過夷官入貢來皇華歌送客應閱出群才

送江華州

為郡稱先子承家氣益豪少年乘五馬何夜夢三刀
天入黃河迴雲開華嶽高古來名勝地此日羨賢勞
○○送都玄敬主事二首

夫子風流士才高耻受樊長貧思故里多病乞文園
落日空山暮清霜十月繁修程正迢遞努力為加餐

二

此別何時晤佳期難重尋扁舟南國遠歲晚大江深
白首三年客滄洲萬里心平沙有歸鴈竝起送離音

送戴生歸獻縣

旅室蒼苔靜寒城月色陰歸人對明燭別調入瑤琴

渤海高雲夕滹沱積雪深趨庭知有日應慰倚門心

送曹瑞卿謫尋甸二首

逐客滇南郡雲天此路長高秋行萬里落日淚千行
作賦投湘水題書寄夜郎殊方氣候異去矣慎風霜

二

一封朝北極萬里暮南滇地遠投蠻府天高哭漢庭
旅情生白髮行色傍秋星若過湘潭上休看杜若青

何大復先生集卷之十八

何大復先生集卷之十九

○五言律詩八十四首

○○送宗魯使安南

日月天門迥星辰海國遙龍函隨勅命使節下青
霄荒服周王域南滇漢將標壯遊真萬里無外見今
朝

○○送顧侍御還南京

南國鳳凰士北臺驄馬臣一鳴望霄漢千里出風塵
折柳此為別看花俱愴神飄零四海契慚愧十年人
○○九日夜過劉以正別士奇

重陽愁獨酌深夜喜相過萬里惟秦客三杯亦楚歌
霜笳沉海月風鴈起潯河醉別黃花去能忘白玉珂

○送顧華玉謫全州

白日春城暮孤雲天際陰君行萬里外予憶一何深
夏擬浮湘水秋應到桂林衡陽去不遠莫使鴈書沉

○送楊太常歸省三首

扈聖元公在寧親季子歸鳳凰銜寵詔駟馬動光輝
回馭心先切題橋志不違都人看祖帳共嘆此行稀

○二

錦里趨庭日聲華冠蜀都弟兄今二妙父子宋三蘇

禮樂風雲地旂常日月圖

今皇念大祀未可滯江

艦

○三

聞道西南寇猶多虎豹群過秦應有論諭蜀可無文
未返巴山使空懸棧道軍煩將父老意歸報 聖明
君

送寇定州

五月燕京寺高雲動客旌南風開齒齒君到定州城
霄漢仙鳧去風塵老驥行年來傾蓋意深感白頭情
送彭總制之西川二首

江漢兵戈阻鄖陽節制移遙憐蜀父老再覩漢旌旗
躍馬終難據窮猿本易追威明聊一借勲業况當時

〇〇二

蜀道青天上岷山赤日西 九重連授鉞萬里動征
輦開府松杉靜懸軍玉壘低知公安蜀計諸葛大名
齊

送呂內翰上陵

弓劍登天壽衣冠望國門碧山秋殿閣白露漢陵園
雨落千官淚雲隨 六帝魂詞臣松栢賦音繞鳳凰
原

送徐內翰上陵

君向六陵間中元月正圓攀松立暮日藉草坐秋天
殿閣西山抱關門北斗懸 先皇舊侍從獨到泰陵
前

送曹遜卿還汝寧

三年觀國士此日暫還家去指清淮月行攀上蔡花
燕歌送楚客邊馬起城笳却喜干戈後鄉園見歲華

送李體仁按雲南

漢使西南域天王節制名九霄看鳳下萬里避驄行
風偃蠻夷靜霜驅瘴癘清壯遊仍攬轡從此慰平生

送呂揮使

駢馬赤電奔少年風義存名登大司馬身覩漢皇尊
北海連龍磧西山出鴈門臨行贈寶劍持此答君恩

送郭刑部守寧波

漢庭黃綬吏西省白雲司豈謂為郎久猶言出守遲
雲霄懸賜履江海入褰帷古越今名郡風流當在茲

送石秀才下第還趙州

念汝不得意行歌燕市中鄉書催朔鴈旅食寄霜楓
荆玉已三獻冀群當一空驅車薊門外未可嘆途窮

田子宅宴別

永夜愴離析同心耽宴遊世情俱慷慨鄉意轉綢繆
竹戶霜燈裊風城海角流豫章天更遠燕北有高樓

寺中送段子還蒲州

段子兩龍劍西行歌莫催探花天上返觀日海邊迴
一別雲房樹相思雪夜杯禹門讀書處終夕聽風雷

送范以載之南京

不見君山面看君意獨哀曾陪竹林醉今識仲容才
駿馬登臺去蒼生攬轡來春江暮雲樹愁望北帆開

送欽師歸西山

近向雲間至遙從花下還赤崖春到寺白塔晝開關

風雨如西塞烟霞似北山到來應待我祇樹幾回攀
○○送忽生還關中次韻

望爾西行路春風萬柳條嘖憐黃鳥近去恨白駒遙
彈劍歌今日張燈宴徃宵秦川待歸客花色醉中饒
送以道次君卿韻

汝到河西日常令消息聞風塵暫把袂霄漢忽離群
帆轉天邊樹樓停海上雲飄飄岐路側何地復逢君
送趙叔鳴視學山東

爾道東行日斯文北學傳鳳凰千仞上騾裏萬金前
嶽峙高無極滄流渺百川古來齊魯地風教有遺編

送侯汝立之東昌

東郡瘡痍日蒼生屬此行二毛猶未見五馬亦為榮
月對河關上秋從海嶽生向來嵩少約西望各懸情

送士姪歸雀巢縣

見汝一作喜見南歸日令予一作應憐北倚樓彩衣花縣酒白

馬楚江洲閉戶自茲始佩韋湏古求行藏愧汝叔日
憶竹林遊

送郭外舅之江陰

郭舅佐名邑出門憐女甥春風到江縣花下早鳴鶯
聽訟琴堂靜哦詩竹檻成臨行贈玉珮空有渭陽情

送劉西曹決獄畿內

日下秋官出天邊漢使分令行乘肅殺風單藉仁聞
香署含清旭仙闈上白雲鑪薰亦暫別遙想晝氤氳

送胡別駕出關

天上黃華戍雲邊鐵壁城風沙行塞日金鼓出關情
轉餉留蕭相揮鞭讓祖生軍儲西北計從此樹勲名

送毛汝厲按湖南

臘送燕門節春迎楚水艘揚帆泛廣漢擊楫渡長江
地絡蠻荆域天躔翼軫邦此行君不忝才氣本無雙

送王夢弼之高郵

南竄隨春色東行識壯顏閭闔猶涕淚道路復追攀
風節雲霄上霜威海岱間 聖明憐萬里不火賜君
還

送望之赴汶上二首

相送一如昔出關行復留初看萬里至忽是五年流
老駿從東路春鴻向北州青門數行柳烟色暮含愁

二

春郊餘雪日河甸起風沙送折燕中柳行逢汶上花
賓朋半海內弟妹各天涯駐馬臨岐處飄飄獨望家

送客二首

方岳從來重君才世豈多中原雖寇盜晉國有山河
勸俗銷金甲求賢訪碧蘿政平人自理不用事煩苛

〇〇二

海內蒼生困看君紫綬新天官元貴客岳伯是詞人
雲極行山目花傷冀壯神平生膠漆意翻恐愧雷陳
送葛時秀任東明

東明花滿縣令宰即神仙宓子今為政河陽復壯年
隼旗開雨雪鳧舄向雲天何地傳消息相聞在日邊

陸子樓餞祖邦

渺渺楓江濶高樓望轉傷同來送歸客予亦念還鄉

塞接寒天迥城街落景長重逢是何日尺素莫相忘

白將軍征南無壽母

將軍天上出萬里擁舟航王帳駐南國金尊開北堂
海雲添寵色江日借恩光報主身何壯猶牽寸草腸

送錢推府之閩

越水到閩鄉風帆萬里航雲間開瘴癘山雨暗枕椰
器本中丞後才仍佐郡郎燕京把劍別此去有輝光

送施御史便道壽母次韻

繡衣真畫錦彩服更花辰海鶴稱觴數江魚入饌新
近懽追里宴遙祝借朝紳堂下忘憂草今春倍徃春

〇〇 贈王舉人

王子萬人英詩名少日成
驪珠眠自抱天馬傍誰行
旅食青楓改秋吟素髮生
過逢見汝意潦倒愧吾情

贈管汝濟

冠裳同海內盃酒對寒宵
舊識三秦客今看萬仞標
芙蓉生露掌騷裊在烟霄
願聽雲門奏春風入鳳簫

贈權僧過昌化寺見訪次韻

問爾湖邊寺微鐘翠巘西
千巖一徑轉落日亂藤迷
數見談天竺相從過虎溪
山中送客罷獨禮白雲低

贈呂道夫轉右給事

右掖言司舊重題御陞名碧霄
通漢苑丹地接秋城
報主褰龍袞驚人想鳳鳴
懷中一諫草何日為蒼生

贈呂子遷左給事中

月明鳩鵲觀日熙鳳凰城
自昔飛騰入今看草奏行
銜沙填海志鍊石補天情
無限乾坤事非因萬古名

贈鄭佐

老鄭空同客長歌壯海尊
十年舊賓友誰到李邕門
天地頻回首江湖一旅蒐
關城獨歸馬風色傍黃昏
君采遷居

宅卜宮墻近堂開燕雀馴
遷居憐客次過覓喜吾隣

題竹元因主看花更屬春知懸孺子榻虛薄愧高人

○ 贈時亮

象郡開梅嶺羅池傍柳州山川盤秀地文物迥風流
丹就還珠洞書藏駕鶴樓風塵望爾去霄漢獨相求
賀汝濟生子

夜夜生蘭夢年年種玉心充問看氣色入戶試啼音
明月含珠浦高枝發桂林北堂書報日何啻萬黃金

贈董侍御

何處采芳蘋維舟湘水濱草間露彩薄沙上月華新
杳杳侵滇路依依向楚人汀花不寄遠惆悵獨逢春

贈劉東之憲副

浮生能幾見孰謂別離輕遠道惟長劍寒宵共短檠
旌旗臨漢水雨雪度秦城鄉井衣冠少分携益愴情
過寺中飲贈張元德侍御

竹林清宴集秋夜劇呼盧即席花偏艷開尊月不孤
君為淮海俊我乃洛陽徒腰下金龜在明朝付酒壚
元夜寺中集

火樹連龍苑烟花繞鷲峰詞人高宴會令節喜過逢
閣度銀河上窻含寶月重九衢風起夜處處有歌鐘
夜集贈呂仲木

石室抽書舊金門待詔來官勲三載見客抱此宵開
劉向本經術馬遷真史才斯文久寥落望子早登臺
○○贈王子

王子萬夫特英風千仞餘未投湘水賦曾上漢庭書
日月方前席江湖漫卜居城南相覓處花暮獨迴車
胡戶部父母同受封命

紫誥開天府瑤函照楚鄉白頭偕二老綵服有諸郎
草動春江色花携漢署香夜來望南斗萬里益光芒

贈祖邦

白下通緘少燕都見面遲客心悲歲晚歸路及春時

姓入山公啓人傳水部詩同年吾不及相望赴前期

吳逸士

逸士古豪士劒歌出燕關不博邯鄲市常遊五陵間
賓客重然諾公卿多往還千金何足貴義氣高如山

秋夕懷曹毅之

百卉飄零盡孤鴻何處歸高樓橫暮笛萬戶搥寒衣
南國江湖遠佳人尺素稀獨愁誰與晤明月鑒重幃
懷望之姊夫

自爾出門去天時十月催如何千里外不見一書來
遠嶠寒雲起高城旅雁哀鄉園莫久滯星駕及春回

〇〇 懷姊

逐子東歸日，輜軒惜路岐。那堪骨肉淚，灑向別離時。
旅病秋來減，鄉書歲暮遲。庭闈欣見汝，千里重予思。

懷三兄

輶車北上日相送，及燕州為客全經夏。還家已過秋，
鵲鴿寒更急。鴻鴈晚相求，况是諸兄隔天涯。重倚樓，
子純宅夜集懷望之。

花月同遊客，江湘萬里遙。燕閒如我輩，盃酒又今宵。
轉覺花愁思，翻教月寂寥。無論去與住，俱是斷蓬飄。

懷劉園諸友

亭榭劉園屢携遊，汝輩頻竹高停翠。袖花密隱朱唇，
橋是經行地。城餘戰鬪塵，京華又二載。腸斷楚鄉春，
過子容有懷獻吉。

故友何人在，常時獨爾遊。停盃思北海，躍馬為南州。
雨助鳴蛩夕，風驚過鴈秋。有懷俱不減，携手重遲留。
懷李生園東季升。

李生北園內，亭榭近如何。草徑猶紅藥，柴扉自碧蘿。
江湖歸路少，天地戰場多。空憶張夫子，清尊夜夜過。
雪簡川甫。

一雪數花集，空庭寒起遲。微風罷弱舞，初日尚餘姿。

自抱朱絃瑟誰看玉樹枝仙曹有高倡不送鳳凰池
○寄任司訓

不見任公子飄飄旅客魂苦吟惟白髮生計有清尊
散吏真無隱荒城不異村人間好事者誰到廣文門
至日寄望之汶上

至日懷親友題書在帝鄉風雲餘歲色梅柳復年
芳白髮行藏裏清尊涕淚傍思君魯城北汶水日湯
湯

簡以道

久雨文園客風流漢長卿苦吟生白髮消渴望金莖

雪盛黃精草雲深赤石英早尋方外士服食使身輕

寄空同子卜居襄陽

爾定襄陽宅雲山好傍誰草憐一作隣王粲井花醉習

家池留滯悲江漢驅馳感歲時扁舟空悵望未有麻
門期

雪簡鄭客

燕雪未成花蕭蕭覆淺沙誤聽梁苑竹擬放楚江槎
集霰含風色流雲轉日華城中百萬戶歌舞醉誰家

寄錢水部

多情錢水部別後有哀吟萬里秋風興孤舟日暮心

白沙官舍迥滄海故園深悵望佳期隔殷勤數寄音

寄王文熙

之子南歸日江湖淚泫然涼風一夕至秋月幾回圓
鴻鴈求巢急鷓鴣各自遷三年望天末徒有寸心懸

寄顧華玉

詞客金陵去那期歲屢過相思秋水隔悵望暮雲多
清廟朱絃瑟華堂白紵歌微音久寂寞高調近如何

簡都玄敬

故友日零落都君情不忘草玄常避客頭白近為郎
宦况思江上鄉心望海傍聞君話山水吾亦慕南方

寄徐太守

塞馬去復盡燕臺愁望春十年同病客萬里各風塵
南國已碧草清江空白蘋秋來有詞賦莫使怨騷人

閣內簡張員外

我在金門裏聞君候瑣闈去天俱咫尺瞻日共光輝
柳下官官出花邊閣吏稀晚來沙苑外騎馬欲同歸

寄易內翰

日日望長沙憶君城柳斜風塵愁燕雀江海嘆龍蛇
公子天邊草夫人廟口花故鄉盃酒罷遙亦念京華
寺中齋居簡崔內翰張侍御

徑雪草生細林寒鶯到稀傷春懷二子齋沐掩禪扉
石室棲金馬天花落繡衣分明共朝市鷓鴣不同飛
○○喜望之量移兼寄

嶺海投荒日燕臺望遠時三年一消息萬里轉相思
歸鴈先知暖鷺鳥尚繞枝湘江催發棹預報北來期

立秋日寄粹夫

一葉悲天地秋風淚萬行江河無日夜邊塞有烟霜
鴈鵠思高起龍蛇願久藏蓬瀛何處涉頭白恨無梁

寄家書

一迤滇中使重嗟故里違老親遙在念薄祿未能歸

雨雪三冬暗家書累月稀淚絨燈下發迴鴈隔雲飛

○○寄三子詩

○○三子者王康呂三子也三子俱產之關中並見
○○而同隱西望興懷為詩寄之

鄠杜終南曲邠岐渭北隄水多龍卧處山有鳳來時
星宿中宵動風雲萬里移滄江問靈劍離合少人知

何大復先生集卷之十九

欽定四庫全書

○大復集卷十九

○五言律詩

送宋魯使安南

○○駕出

九重玄武仗萬歲羽林軍朝帝乘輿出行天警嘒聞螭
頭蟠曉日雉尾拂春雲佇望南郊氣遙連北斗文

明 何景明 撰

○大祀

金榜星辰幕瑤。亟海嶽編受禧。同漢室登禪。異秦年日。抱龍旂。轉天流羽蓋。旋楊雄老倍。從白首賦甘泉。

駕幸南海子

鏡音發桂時。春狩踐蘭區。水盡緹城合。山迴帳殿孤。公卿隨八駿。虎旅備三驅。如聞後車載。倘遇渭川夫。

駕入

地轉瑤壇迥。天迴翠輦高。入城傳鼓吹。吹殿引旌旄。珮

委春池草。盤行上苑桃。九天燈燭裏。齊拜究龍袍。

慶成宴

漢主汾遊日。周王鎬宴時。禮成天地協。樂奏鳳凰儀。上殿承一。天語登筵拜。一帝輦載歌。天保頌還稱。既醉詩

皇陵

陵闕皇靈闕。山河王氣遙。萬年龍虎抱。每夜鬼神朝。玉盃留天地。金燈照寂寥。如看翠華度。縹緲在青霄。

內直

閣院雨初微風動綺疏鳳池通紫極雲闕過一作清虛

袞職聞封事軍情見捷書非才叨侍從徒望五雲車

入直

賦豈文園客名慚騎省郎聞鷄趨建禮駐馬望宮墻風
晝楊花色烟春蕙草香雲盤天漢上消渴意何長

晚出左掖

洞門餘積雪御苑覆高霞吏散層霄上城行五鳳斜回
青初霽柳紅動峭寒花立馬清沙外空一作林集暮鴉

奉和嚴太史謁一秦陵三首

敬皇十八載四海一何安鼎成萬棄國弓墮哭千官白
日園陵閱秋雲松柏寒龍遊萬歲後寂寞墓衣冠

二

世切如雲望天摧格帝功彌留念諸將顧命託三公玉
几星辰上玄宮霜露中松楸慟哭地白日起悲風

三

夜壑霜鍾杳秋岑玉殿扃總帷風淅淅銀海月冥冥象

衛朝羣帝龍藏扈百靈臨門日呼召天語舊臣聆

酬郭內翰上—陵還詩

帝遣朝陵日暫辭供奉班楸梧開玉殿雲霧宿春山晚
向松間散晴從花下還知君有佳句傳和五陵間

荅潘都諫郊壇見遺之作

羽衛天行路龍帷御宿亭壁壇流霽月銀闕動春星諫
獵心空赤逢時鬢尚青極知陪從地瞻切五雲停
殿試宿禮部張子淳郎中署奉和馬張二光祿喬

直閣諸公

東殿春朝晚南宮夜宿深銷闌猶月色開閣更松陰地
迥神仙接天高象緯臨諸君清廟作三嘆有餘音

得顧華玉全州書知知望之消息

地北憐為別天南真可哀同時萬里去隔歲一書來水
閣蛟龍出山深杜若開相思有詞賦愁絕並登臺

得朝信惟學書

稍喜豺狼息仍悲鴻鴈音故人雙尺素遙比萬黃金水

上春花樹城邊秋竹林天涯暮風雨腸斷北山吟

得鄭繼之書

鄭生湖海去高興渺難降累月音數清秋涕淚雙雙天
邊登越嶠雲裏渡吳江萬水千山暮何時到爾邦

得王子衡韻榆書

萬里一書劄逾年傳 帝都竄身天地遠垂淚海雲孤
柳送燕臺駿花留漢殿鳧赤霄終道路白髮且江湖

次韻張郎中九日無菊

九日盃空綠秋城菊未花雨義寒慘淡風樹晚歌斜獨
客悲漂梗佳人怨折麻何時開爛熳沽酒到君家

除夕和以道懷弟之作

汝弟猶吾弟君家更幾家情知思棣萼愁與對椒花酒
罷看參遠燈寒望斗斜相憐謝池草明日又春華

戴生在吾語感秋思歸詩以慰留之二首

到日中元節淹留歲漸微而翁在異縣知汝苦思歸旅
館空彈缺秋風未授衣敝床還可宿暫住莫相違

二

二十年方妙昂藏見爾才青雲滿霄漢黃鵠尚徘徊寶
劍休輕試家書莫屢開百年深有望吾道豈塵埃

答汝忠

俱向滄江起同懷魏闕情乾坤尚戎馬我輩復簪纓戢
羽棲雲閣聯翩入鳳城誰知薦賢內今日忝齊名

夜過川甫

日午詩相約更深馬獨來慚非問竒客知是草玄才月

析楓烏起霜燈竹戶開因思高李輩詞賦擅梁臺

九月二十五日會曹汝學侍御于麓堂夜歸遂過
侍御宅

東閣留樽罷西臺夜過時題詩倚驄馬換酒脫金龜菊
院霜天靜楓城海月遲向來秋寺約還許赴佳期

冬夜過飲戴時亮進士

琴酒楊雲宅談玄靜夜真庭無旋馬地室有聚螢人霜
霧生陰井風燈動夕鄰喧喧萬車馬日出自紅塵

徐子容見過

三月三十日燕京春興悽相過話遠別此去憶深棲江
漢今舟楫乾坤尚鼓鞞風塵歸未得送汝萬行啼
與王宗哲過訪劉德徵無有所懷

天街並馬過零雨碧氛氲王子真乘興劉郎雅好文燭
筵揮玉軫風戶裊鑪薰忽憶橫簫客遙遙隔彩雲

端陽日過子容登瞻辰樓

五日訪南州瞻辰上北樓旌旗夾水殿簫鼓送龍舟滄

海猶多難佳辰但百憂浮雲暮南遠遙向楚江頭

九日顯靈宮宴集

九日無風雨賓朋更遠來菊花催酌酌仙侶得追陪
眺迥山河出登高殿閣開携遊有諸妙詞賦豈吾才

登紫極閣

層層重重麗丹梯裊裊孤風雲上紫極氣色覽皇都苑
靜芙蓉落城喧鴈鷺呼蒼然見淮楚鄉思滿平蕪

侯郎中劉主事見過對菊

菊樹開初爛軒窗坐晚晴客非先有約花亦太多情霜
艷娟娟靜風香細細生天涯一盃酒今夕對寒城

過君采次韻二首

海內風塵隔天邊江漢流昔牽春草夢今並玉珂遊神
駿元千里仙人自十洲慚隨燕雀輩白髮世間愁

二

自君來此地謂我頗同流復往湖去寧忘霄漢遊遊龍
蛇蟠海曲鴻鴈向河洲從此風波隔長安日暮愁

世其宅夜集同君采作限難字

冬夕具盤冷明燈不坐寒獨憐竹葉盞仍對菊花團素
月榮窻細高雲傍苑殘美人江國去惆悵采芳難

秋夕同蕭執夫舍姪士飲

把燭開塵榻幽尋款夜扉寒城颯欲暮風葉坐來稀野
興林間竹鄉心楚上薇蕭條共盃酒潦倒愧朝衣

除日劉戶部宅

畫省開雲幔西堂對雪峰一年惟此會萬里幾相逢守

歲親燈火朝天候鼓鏞江湖有歧路漂轉嘆萍蹤

晚過以行

伯兄難更見愛弟復佳名往日題詩客黃花駐馬情春

星度北牖暮

一作舊

雨到西城腸斷池塘草東風亦自生

顧九和內翰約看花城南寺病目不赴

不赴城南約遙傳寺裏篇看花吾未老出郭偶無緣
簇馬低春日啼鶯隔彩烟風沙開病眼愁向艷陽天

遊郭氏山亭

舊日追遊地親年此度過庭春歸雪篠洞古發烟蘿遲

日登臨倦名園感慨多風花騎馬去須放酒顏酡

九月四日劉子見過二首

入閣開塵榻留尊對苑墻杪秋餘暑濕高樹獨風霜歲
逼鄉心甚天增病骨涼自憐興減不比向來狂

二

汝病稀相見高詩久不聞側思金奏喜挹蕙蘭蘭芬細
菊妍霜晝繁砧亂朔雲蕭蕭秋日興對爾憶離羣

九月五日與張劉崔三子約遊法藏寺塔劉嘗約
遊西山竟寒盟故云

未省重陽菊誰邀我輩看城南有塔寺共擬集衣冠雲
起登臺興風追落帽懽此盟今夕定莫似碧山寒

登塔二首

古塔層城畔秋毫萬里看登高携賦客落日眺長安天
地懸相抱江山鬱自盤誰絕頂上好不避北風寒

二

塔廊徐暗轉不覺此身高月牖通天漢風簷散海濤望
餘秋色遠登罷客心豪去鴈休回首冥冥一羽毛

訪客鑑公房

病客依棲地石房鍾磬深清齋忘肉食獨宿見禪心閣
日斜寒晝窻雲下夕陰吾居亦鄰並日為過西林

齋宿大興隆寺

疊雪霾雲磴陰霞絢石房沉冥通別理宴息對焚香暖
色含初篠遲烟散遠楊齋心臨暮景屬意向春陽

春日劉薛二子過

林花寒不折城寫日喧呼壯覺風情減春增旅興孤
經過留翰墨潦倒念江湖未似高陽侶垂鞭向酒壚

再過玄明宮

朔海風雲變玄宮日月移登臨逼九日搖落倍前時
翠竹寒虛寢荒藤蔓曲池重看石槲地徒有雍門悲

九日登仁壽寺後山

石閣凌香岫憑高烟霧開人疑送酒客地即望鄉臺
鴈

度桑乾去雲從碣石來魚龍瀚海北萬古一悲哀

十月望夜劉薛二子過對月

院寒冬月白城夜海雲收上客扳蘭省清光近鳳樓
關山一北望河漢迥西流未見乘槎使迢迢上斗牛

九日登慈恩寺閣三首

不到慈恩久今來九日期天寒鴻鴈少秋晚菊花遲
搖落悲風雨登臨感歲時牛山何處是異伐獨興思

二

金定四庫全書
地幽人跡少僧至掃莓苔閣迥湖光入林昏雨色來登
臺憐作客入賦耻非才何事臨佳節秋懷未肯開

三

莫引憑高目滄茫海色遙秋空波瀾瀾寒日樹蕭蕭關
塞俱搖落音書久寂寥天涯有兄弟猶滯楚江橈

自滇蜀歸李戶部馬舍人見訪

官舍掃莓苔故人尊始開相違頻問訊乍見各徘徊瘴
癘一身在風塵里里來欲詢滇蜀勝慚愧子長才

雨中過李真人方丈二首

勝地豈常得幽盟難重尋最清驅馬出聊此息塵心鳴
磬秋堂濕然燈古殿深吹簫愛仙侶縹緲隔珠林

二

層臺暮雲外寂寂羽人居積雨堦除靜舍風殿閣虛洞
中留白日窻下寫丹書即此觀幽逸能令世慮踈

早入宣武門

藹藹名都會鷓鴻共接翱金貂萬戶客鐵騎五陵豪夾

道紅塵滿十門白日高寂寥楊子宅隨分守蓬蒿

望海

登高望遠好萬里一長吟島嶼迎寒日波濤帶夕一作積

陰豈無乘筏嘆亦有釣鰲心去去從吾好三山烟霧深

中秋夜集呂給事宅

銀漢高秋露嚴城月色陰美人今夜酒遊子故鄉心烏
鵲江邊去蛟龍海上吟漢宮樓迥莫使暮寒侵

晚過周進士言別聞琴

朱絃久寂寞此夜拭瑤琴坐對燕京酒同悲楚客吟城
高下木葉樓迥上秋參別後清江夜遙思絕代音

與孫載張三子納涼

薄暮携三子追涼步短宵水邊低出月樓上忽橫簫久
露花沾濕微風竹動搖醉歌聊永夕坐待紫宸朝

避暑存上人方丈

燕地炎蒸月西林大道傍上方留避暑長日坐焚香細
竹軒窻靜高雲殿閣涼何時更采月過宿梵公房

出遊功德寺

昔聞功德寺今出 帝城西晚日丹梯近秋天翠巘齊
荷衰猶一作斜時水樹古曲盤堤十里經行地清沙送馬
蹄

宿淇公方丈

落日罷登臨禪房秋坐深不妨留枕簟聊得謝冠簪樓
閣湖天影松蘿洞月陰明朝又朝市回憶碧山岑
天壇沈道士觀中

夏日天壇上登臨傍九霄川原一以眺樓觀鬱岩堯洞
口逢丹侶花間醉碧簫清沙日色盡翻恨馬蹄遙

張子純宅對月

長安今夜月留客此堂開影落清樽裏光從玉殿來苑
花添悵望鄰笛助悲哀幸接仙郎飲高歌愧爾才

病居田給事中夜過

臥疾春天暮相尋客夜幽劇談翻愈病沉醉忽忘憂西
月低臨牖明星遠動樓看君上馬去猶使興情留

春雪諸翰林見過二首

正月燕京雪飛花落滿筵輝輝映旭日脉脉向春天苑
草寒猶細宮雲晚更鮮中原有戎馬何日凱歌旋

二

冉冉烟城鳥飄飄苑雪過人稀春夜靜花劇暮寒多置
酒邀金馬開軒對玉柯陽春有高調莫惜為矛歌

酬盧侍御見訪有作用韻

柱史事沉冥行驄到我亭數章天北極隻字斗星南坐

久鶯初喚吟餘草更青朱絃山水調淒切為君停

同張仲修再過劉子

劉家好兄弟鄰近苑西樓數有花辰會無成月夜遊留
徐還下榻訪戴不迴舟况接張公子詩輕萬戶侯

過田郎

晚就田郎飲高歌坐此庭炎天忽雲雨西日更雷霆席
傍簷花濕窻臨苑樹青相過戀朋好常得慰飄零

同崔太史張侍御飲周都閫亭子

公主山亭在元戎小隊回碧沙霑細雨白日映輕雷已
並花邊駿難孤竹下杯良宵可乘興歸騎蓮一作漏莫頻催

郭氏園亭

漢苑清霄近名園不出城曲穿陰洞入色傍峭岩行賓
客冠簪盛公侯甲第榮日斜登鑿罷悵望有餘情

過孫世其時有警報

一自來京邑常時過爾吟飄零嘆往昔留滯到于今各
有江鄉思無之邊塞心明星罷擊柝悵望北城陰

過遠夫

堂上炎天迥明燈夕坐深相逢濁酒醉獨悵白頭吟苑
柳通西內邊烽起北岑此時對遷客何意復冠簪

出閣過勤甫省中

竹垣通左掖花省接仙郎並坐停杯晚高談卷幔涼水
陰沉紺殿山影落雕墻愧我同朝客傳君寡和章

立秋日呂景二內翰呂田二黃門見訪

高城下一葉亭榭已蕭河漢生秋早星辰動夜夜虛

珂停驂裏金硯落澹蜍俱是文章伯相看我不如

再遊郭氏園亭二首

仲夏一到此主人開水亭園林再駐馬臺榭已流螢細
竹搖風牕孤雲度石屏停杯更暮雨何限北崖青

二

日暮北亭悵然秋望深碧山聊拄杖滄海未抽簪簪苑
上開雲閣窻中疊露岑長安足塵土常過此登臨

過顯靈宮

不到玄宮久桃源更此行行知瑤水近坐望赤霄平洞
草秋先長壇雲晝自生雙雙玉簫發風引度仙城

欽定四庫全書

西

